

" هيكل معجزات "

بالله عليك ما توهبي قلبك لحد
ولا تسمحيش للحزن يسكن جواً أحضانك كدا
والله ما اقدر أحن لك بالشكل دا
ودموعي لسا ممتتة
دا انا لسا واقف باتكوي بنار البكا
ونار الفراق
ومن اشتياقك للقمر وقت الرحيل
بالله عليك ما تهربي
دا انا كل ليلة باقدرك بالمستحيل
ولا سُفت في جمالك بشر
محتاجة إيه علشان نعيش
ونحارب الدنيا بضمير
أونبي أحلامنا سوا

يا نجمة عالية منورة فوق في السما
محتاجة إيه علشان تطير؟!
محتاجة بيت؟
أو قصر يقدر يلْمَحِك في عيونه أجمل أغنية
وساعتها بس أنا هاكتشف
إني انتهيت
وف قلبي شايل معصية
محتاج أكفّر بيها عن ذنبي الوحيد
رَدّت بحرقه ف قلبها.. كان الجواب
محتاجة حبة فضفضة
أو قلب حتى يضمني ويشوفني في عيونه غطا
وانا اكون له ستر
كان رَدّها أبسط كثير م الأمنيات
ومن البنات
ولا حتى تسمع بَّقها ينطق ب " هات "

حتى البراءة فدمها سُكر نبات
ولا عُمري أبدًا شفتها غير بس " هيكل معجزات "
قادرة وحويطة وطيبة
وإن مها بعدت بالساعات بتشوفها عيني قُريبه
ما اعرفش ليه!
أقرب كثير من حُضني لكتابة مقال
أو كام قصيدة كتبتها أملًا في حبي لقلبها
لكني والله العظيم
كان نفسي فعلاً أقول لها
واحكي لها عن نفسي في غيابي لما اسينني واروح لها
كان نفسي بس أقول لها
بالله عليك ما تزعلي
ولا تسمحيش للحزن يسكن جواً أحضانك كدا

